

**SECONDA SESSIONE URDINARIA DI U 2022**  
**RIUNIONE DI I 28 E 29 DI 2022**

**2EME SESSION ORDINAIRE DE 2021**  
**REUNION DES 28 ET 29 AVRIL 2022**

2022 / O1/024

**REPONSE DE MONSIEUR LE PRESIDENT DU CONSEIL EXECUTIF DE CORSE A LA  
QUESTION DEPOSEE PAR MONSIEUR SAVERIU LUCIANI AU NOM DU GROUPE  
AVANZEMU**

**Objet : Avenir des négociations avec l'Etat**

Caru cunsigliere territoriale, caru Saveriu,

Ùn sò micca surpresu di a vostra quistione, ùn sarete mancu surpresu di a mo risposta.

Diceraghju chì di sicuru scumpartimu parechji punti fondamentali rammintati ind'a vostra quistione :  
U rispettu di u votu di i Corsi,  
U rispettu di e stituzione di a Corsica,

U rispettu di a demucrazia, ciò chì hà mancatu assai in a pulitica di u Statu dipoi seculi è più particularmente dipoi 5 anni.

A vulintà di mette in ballu u più prestu pussibile ind'e simane è mesi à vene una suluzione pulitica glubale à prò di a qualessa ci battimu dipoi tanti è tanti anni :  
À u livellu istituzionale, un'autunumia chì sia un'autunumia di pienu dirittu è di pienu eserciziu, una rivendicazione fondamentale, accuppiata à tant'altre ch'è no cunniscimu : a cuufficialità di a lingua corsa, a ricunniscenza di u nostru populu è di i so diritti. Tuttu què hè davanti à noi. Allora rispunderaghju prestu è po dopu di manera appena più completa

ind'un discorsu ch'e aghju privistu di prununcià davanti à a vostra assemblea.

Di sicuru chì a sola strada, eri cum'è oghje, ma ancu più oghje, hè quella di a demucrazia, hè quella di un prucessu di neguziatu à livellu storicu è issu prucessu ci vole ch'ellu s'apri subbitu subbitu, senza aspittà, ind' i ghjorni à vene. Averaghju l'occasione di dà unepoche di precisione davanti à a vostra Assemblea, di fà unepoche di pruposte.

Dunque, di sicuru è po per contu nostru, diceraghju per quelli chì si battenu à prò di a nazione è di u populu corsu, l'avemu digià detta, l'uni è l'altri, avà ci resta à falla u megliu è u più prestu pussibile, saria inde l'interessu di a Corsica è di u so populu ch'è no trovimu i mezi per travaglià ingiru à un prugettu glubale, micca solu à livellu istituziunale, à livellu di a suluzione pulitica glubale, micca solu trà i naziunalisti, diceraghju tutti i Corsi chì si volenu impignà à prò di u populu è di a nazione, per andà ind'a neguziazione incù u Statu ind'a situazione a più favurevule è a più forte pussibile.

Custì dinù avemu un travagliu impurtante chì ci aspetta. Ùn dubbiteghju micca ch'è no circheremu tutti à falla ind'e cundizione e più aggalabate.

A ringraziavvi !